

**Prawf taeniad gwddf y groth
y mae'n rhaid ei wneud eto**
**The cervical smear that
needs to be repeated**

**Pam mae'n rhaid i mi gael prawf
taeniad arall**

Mae'r prawf taeniad ar eich serfics (cervix) wedi dangos rhai annormaleddau. Mae mân annormaleddau fel hyn i'w gweld mewn tua 1 prawf taeniad ym mhob 20. Dydyn nhw ddim yn golygu fod cancer arnoch chi.

Yn aml, fe fydd y mân annormaleddau'n troi'n normal eto ohonyn nhw'u hunain. Mae'n ddigon diogel aros a chael prawf arall ymhen 6 mis. Dydi'r annormaleddau ddim yn achosi unrhyw symptomau. Felly os byddwch chi'n sylwi ar unrhyw waedu anarferol neu redlif (discharge), gwnewch apwyntiad i drafod hyn â'ch meddyg teulu.

Beth sydd wedi achosi'r annormaleddau

Mae sawl achos posib. Fe allai fod rhywfaint o lid (inflammation) ar y serfics. Weithiau, mae newidiadau yn yr hormonau'n gallu ymddangos fel annormaledd ysgafn.

Mae'n bosib mai camau cynnar newidiadau yn y celloedd sy'n bresennol. Dyscariosis (dyskaryosis) yw'r enw ar y newidiadau yma, ac maen nhw'n golygu bod niwclews (nucleus) y gell yn edrych yn annormal. Dydi hi ddim yn hollol glir beth sy'n gwneud i'r dyscariosis yma ddatblygu. Yn aml, firws sydd wedi heintio'r serfics. Papiloma dynol (neu HPV - Human Papilloma Virus) yw'r enw ar y firws yma, ac mae'n cael ei drosglwyddo yn ystod cyfathrach rywiol.

Fe fydd rhai merched yn poeni y gallai cyfathrach rywiol wneud y broblem yn waeth, neu ei drosglwyddo i'w partneriaid. Dydi cyfathrach rywiol ddim yn gwneud y broblem yn waeth, a dydi hi ddim yn bosib trosglwyddo'r celloedd annormal.

**Beth sy'n digwydd os bydd fy mhrawf
taeniad i'n troi'n normal eto**

Fel sy'n digwydd yn aml, fe allai'ch prawf taeniad chi droi'n normal eto ohono'i hun. Os bydd hynny'n digwydd, yna fe ddylech chi gael dau brawf arall yn ystod y 18 mis nesaf. Fe gewch chi'ch galw yn y ffordd arferol i gael y profion yma. Wedi hynny, fe gewch chi'ch galw i gael prawf taeniad rheolaidd bob tair blynedd.

**Beth os na fydd fy mhrawf taeniad i'n
troi'n normal eto ohono'i hun**

Os na fydd eich prawf taeniad yn troi'n normal eto ohono'i hun fe fydd angen archwiliad arall arnoch chi i weld a oes angen triniaeth. Fe allai hyn fod ar ôl dau neu dri phrawf taeniad annormal, ac mae'n dibynnu ar yr annormaleddau a gafodd eu gweld. Fel rheol, mae'r driniaeth yn llwyddiannus mewn bron i 100% o achosion.

Beth fyddai archwiliad arall yn ei olygu

Colposcopi yw'r enw ar yr archwiliad. Wrth wneud colposcopi, mae'n bosib archwilio'r serfics fwy manwl i weld a oes yna fannau annormal sydd angen eu trin.

Os bydd rhaid i chi gael colposcopi, fe gewch chi daflen sy'n esbonio'r broses. Does dim rhaid i bob unigolyn sy'n cael colposcopi gael triniaeth.

**Beth ddylwn i ei wneud os bydda i'n
sylwi ar symptomau**

Os byddwch chi'n sylwi ar unrhyw un o'r rhain:

- gwaedu afreolaidd
- gwaedu anarferol
- rhedlif (discharge) anarferol o'r wain

yna trefnwch apwyntiad i drafod hyn â'ch meddyg teulu hyd yn oed os cawsoch chi prawf taeniad yn ddiweddar.

Rhagor o gwestiynau

Os hoffech chi ofyn unrhyw gwestiynau eraill ynghylch sgrinio, cysylltwch â'ch meddyg teulu, nyrs y feddygfa, staff y clinig cymunedol, neu ysgrifennwch at:

Y Cyfarwyddwr
Sgrinio Serfigol Cymru
18 Heol y Gadeirlan
Caerdydd
CF11 9LH

Rydyn ni'n cynhyrchu'r taflenni yma ar bob agwedd ar sgrinio gwddf y groth.

Sgrinio serfigol - y ffeithiau
Prawf taeniad serfigol y mae'n rhaid ei wneud eto
Archwilio prawf taeniad annormal ar y serfics
Archwilio prawf taeniad annigonol ar y serfics
Eich apwyntiad i gael colposcopi
Triniaeth ar ôl prawf taeniad annormal ar y serfics

A ddylai merched gwryf gael prawf taeniad serfigol?

Ar ôl eich hysterectomi

Oes cwyn gennych chi am Sgrinio Serfigol Cymru?

Sut rydyn ni'n defnyddio gwybodaeth amdanoch chi

Ein haddewidion i chi.

Fe gewch chi'r taflenni yma o

- adran weinyddol eich rhaglen Sgrinio Serfigol leol;
- eich meddyg teulu, neu
- ein gwefan ni

www.velindre-tr.wales.nhs.uk/csw

Fe allwch chi gael ein taflenni ni i gyd:

- mewn print mawr
- ar dâp sain
- mewn Braille.